

REGLUGERÐ

um breyting á reglugerð nr. 372 30. nóvember 1973, um holræsi fyrir Ísafjarðarkaupstað.

1. gr.

Grein 1.18 hljóði svo:

Holræsagjald skal greiða árlega til bæjarsjóðs Ísafjarðar af öllum eignum, sem metnar eru til fasteignamats og skal vera 0,32% af fasteignamati húss og lóðar, eins og það er á hverjum tíma. Undanþága frá greiðslu hins almenna fasteignaskatts skapar ekki undanþágu frá greiðslu holræsagjalds.

Gjald samkvæmt þessari grein skal breytast í samræmi við breytingar er verða á vísitölu byggingarkostnaðar frá því sem hún er 1. nóvember 1974 (1455 stig).

Heimilt er bæjarstjórn, fyrir eitt ár í senn, að hækka eða lækka holræsagjaldið um allt að 50% án staðfestingar ráðuneytisins.

Reglugerðarbreyting þessi, sem samin er og samþykkt af bæjarstjórn Ísafjarðar, staðfestist hér með samkvæmt vatnalögum nr. 15 20. júní 1923, til þess að öðlast gildi þegar í stað.

Félagsmálaráðuneytið, 14. júlí 1975.

F. h. r.

Hallgrímur Dalberg.

Guðmundur Karl Jónsson.

Nr. 336.

14. júlí 1975.

GJALDSKRÁ

um holræsagjöld á Stokkseyri.

1. gr.

Hverjum þeim, sem á hús eða húshluta á Stokkseyri á lóð sem holræsi hefur verið lagt í, ber að greiða árlegt holræsagjald til Stokkseyrarhrepps.

Upphæð holræsagjaldsins skal vera 0,3% af fasteignamati húsa og lóða samkvæmt lögum um fasteignamat og fasteignaskráningu nr. 28 29. apríl 1963. Upphæð holræsagjaldsins skal þó aldrei vera lægra en svarar kr. 8.00 á hvern rúmmetra á íbúðarhúsnæði og kr. 5.50 á hvern rúmmetra af öðru húsnæði. Á sama hátt skal upphæð holræsagjaldsins aldrei vera hærri en svarar kr. 10.00 á hvern rúmmetra af hvaða húsnæði sem er. Lágmarksupphæð holræsagjalds fyrir hverja gjaldskylda fasteign skal aldrei vera lægri en kr. 1500.00. Nú er fasteign, sem greiða ber af holræsagjald eigi virt fasteignavirðingu og skal þá greiða holræsagjald skv. samþykktum uppdráttum.

Þó skal aldrei reikna holræsagjöld af húsi það ár, sem bygging þess hefst.

Holræsagjaldið er miðað við byggingarvísitölu 1290 stig og breytist einu sinni á ári til samræmis við byggingarvísitöluna eins og hún er í árslok hverju sinni.

2. gr.

Holræsagjald greiðist af hús- og íbúðareiganda, lóðareiganda ef um eignarlóð er að ræða, og af leigutaka, ef um leigulóð er að ræða, og bera þessir aðilar ábyrgð á greiðslu gjaldsins.

Gjaldið hefur lögtaksrétt og er tryggt með lögveðrétti í lóð og mannvirkjum næstu 2 ár eftir gjalddaga þess, með forgangsrétti fyrir hvers konar sammingsveði og aðfararveði.

3. gr.

Um gjalddaga og innheimtu holræsagjalds fer með sama hætti og um fasteignaskatt, enda skulu gjöld þessi innheimt sameiginlega.

Gjaldskrá þessi staðfestist hér með samkvæmt vatnalögum nr. 15 20. júní 1923, til þess að öðlast gildi þegar í stað, og birtist til eftirbreytni öllum þeim, sem hlut eiga að máli.

Félagsmálaráðuneytið, 14. júlí 1975.

F. h. r.

Hallgrímur Dalberg.

Guðmundur Karl Jónsson.

REGLUGERÐ

um breyting á reglugerð fyrir Vatnsveitu Reykjahlíðarhverfis í Skútustaðahreppi nr. 118 5. maí 1969, sbr. reglugerð nr. 223 10. ágúst 1972.

1. gr.

7. gr. orðist svo:

Hver sá, sem fær tengda heimæð frá aðalveitu, skal greiða í eitt skipti stofngjald kr. 21 000.00 sé um íbúðarhúsnæði að ræða. Um stofngjald fyrir húsnæði, sem notað er til atvinnurekstrar, s. s. veitingahús, verslanir og iðnfyrirtæki, skal sveitarstjórn gera sérsamning hverju sinni. Stofngjald skal greiða í síðasta lagi þegar tenging fer fram.

2. gr.

8. gr. orðist svo:

Af öllum húseignum á veitusvæðinu, sem vatni er veitt í eða úr næst til vatnsæða, skal árlega greiða vatnsskatt, er nemi 0,8% fasteignamats húseignarinnar, auk þess sem húseigandi skal árlega greiða fastagjald kr. 1 400.00 af hverri húseign.

Séu fleiri en ein íbúð í sama húsi, greiðist árlega í fastagjald kr. 1 400.00 af hverri íbúð.

3. gr.

9. gr. orðist svo:

Auk vatnsskatts og fastagjalds samkvæmt 8. gr. skal árlega greiða auka-vatnsskatt vegna fyrirtækja og atvinnurekstrar s. s. veitingahúsa, verslana, iðnfyrirtækja og þvottastöðva fyrir bifreiðar. Aukavatnsskattur skal vera kr. 4.00 af rúmmetra Ef vatnið er ekki mælt, skal áætla notkunina.

4. gr.

10. gr. reglugerðarinnar falli niður.

Jafnframt er úr gildi felld reglugerð nr. 223 10. ágúst 1972 um breyting á reglugerð fyrir Vatnsveitu Reykjahlíðarhverfis í Skútustaðahreppi.